

中國藏學漢文歷史文獻集成

張其成 主編

中國西藏及
甘青川滇藏區
方志彙編

第一輯 藏學研究

PDG

中國藏學漢文歷史文獻集成

張羽新 主編

中國西藏及 甘青川滇藏區 方志彙編

第三十二冊

學苑出版社

鄭子雲
PDG

圖書在版編目(CIP)數據

中國西藏及甘青川滇藏區方志彙編/張羽新主編.
北京:學苑出版社,2003.9
(中國藏學漢文歷史文獻集成)
ISBN 7-5077-1862-X

I. 中… II. 張… III. 藏族-民族聚居區-地方志-彙編-中國 IV. K29

中國版本圖書館 CIP 數據核字(2002)第 078995 號

ISBN 7-5077-1862-X



9 787507 718621 >

書名:中國西藏及甘青川滇藏區方志彙編(全 54 冊)
作者:張羽新 主編
總策劃:孟 白
責任編輯:洪文雄
出版發行:學苑出版社 E-mail:xueyuan@public.bta.net.cn
印刷裝訂:北京大興韓營古籍印刷廠
開本:850×1168 16 開本
字數:9900 萬字
版次:2003 年 9 月北京第 1 版
印次:2003 年 9 月北京第 1 次印刷
印數:1—120 套
定價:25800.00 元

PDG

第三十二册目录

新纂高臺縣志
高臺縣要覽
民勤縣志
重修靖遠衛志
拉卜楞設治記

1-136
136-145
233-448
155-231
403-

新纂高臺縣志

序一	序二	序三	序四	序五	序六	《新纂高臺縣志》自序		高臺縣修志銜名	凡例	附高臺縣輿地圖、縣城平面圖							
卷一	輿地・上	分野	沿革	疆域	形勝	山川	水利	卷二	輿地・下	關隘	橋梁	古迹	戶口	風俗	氣候		
物產	卷三	建置	城池	衙署	鄉堡	倉廩	驛傳	田賦	賦稅	糧草	稅捐	俸費	祀事	壇	廟	祠	寺
兵防	營制	警察	訊地	烽墩	卷四	學務	學額	學款	書院	義學	學校	實業	商務會	農務會	林業會	農業	
試驗場	棉業改良社	工藝傳習所	官制	文職	武職	宦迹	卷五	選舉	科甲	五貢	省議員	人物	仕進	善行	續		
學	忠義	教行	方術	卷六	烈女	節婦	貞烈	卷七	藝文・上	疏	傳	記	卷八	藝文・下	序	贊	碑
志	辨	書	文	詩	歌	賦	詞	雜錄	災異	禎祥	高臺縣修志收款						

卷首

序一

為政者諮獻而徵文，則有以知其因革利病，有所施設，乃弗戾於俗，而其地之所有，亦盎然發其光氣焉。高臺故無志，而設治最古在漢晉間，當樂涑、會水、表是諸縣，封域不可詳。其山有祁連、合黎，磅礴鬱積，聘靈而聳秀。又為西陲周道，關內外綰轂輸挽，稱要區。其民質樸而守禮教，重信義，猶古之遺。顧志乘缺不舉。徐知事家瑞者，余所署吏，歷試有治效，以令茲邑，谷熟而民愉，乃於興學勸工之隙，發憤為此志。事雖草創而築基植礎，以俟方來。其勞於斯土，閔且遠矣。今之知事，百政所賴，賢者日不給，不肖者逐益解馳，以畢力於催科。徐知事循循于于，庶事理而本治裕，更能急人之所不急。澡雪邊隅，揚榷風物，其可謂知務也已。合肥張廣建。

序二

昔者姬代鏡寓，攬掇國聞外史，職掌眾翼方志。《春秋》、《樛杙》，著錄之簡，森興、蘇黯、董狐洱管之倫云蒼。後世邑志，蛙率於斯。第，邑無史官，古誼浸默，搜殘網逸，私家是賴。泊夫通志肇端，徵集方志。郡邑守令，朝諸夕譟，開館啟局，驚麋集。而後志乘始稍稍出焉。擺厥撰述，蓋有三難：史法未諳，從事編纂，本末迕舛，詞旨蕪穢，一難也；粗達史例，拙於屬辭，巴曲郢說，連篇累牘，二難也；制資衆手，成非一人，雅鄭雜奏，薰蕕併列，三難也。雖然，文獻零落，考古之差，典章湮晦。守土之責，若必俟班馬博學，而後言操觚，俟陳範鑲材，而後語授簡，則草昧結繩，胡可記事？夏五郭公，悉成疑讖。拼方徠覽古之士，得毋悄然生無涯之喟者乎！隴右行省，僻處邊徼，各縣志乘，闕焉弗備。高臺一邑，尤瀕西極，文化實獲，紀載闕焉。崆峒雲冪，淒迷黃帝之宮，弱水舟迴，縹渺神禹之迹。閔俊之彥，盡焉傷之。徐令季清，權篆斯邑，下車伊始，百廢具舉。除北涼之故城，問天累欲，吊西臺之隕址，望古遙集。甄材鄧林，求珠赤水，月不數匝，克期卒業。郵致稿本，問序於余。夫其韋路藍縷，弗避艱辛，大略椎輪，罔憚劬瘁，其志已可嘉矣。若乃綱舉目張，條分件系，繩以史例，大端不戾。其有出入，亦時代所扼，匪故抉藩，披覽之餘，間加商榷。陳厥一得，曾不慙屏。佗日授之副墨，傳彼雒誦。絜諸古名志，雖未窅奚若，而榛荆既辟，先馬可導。資章甫於荒壤玉塞，於焉含溫，植橘柚於玄朔，龍沙為之益耀。後之履斯域者，采風月湖之濱，觀政霞崖之麓，崇山炸嶠，毋忘簣土，巨川溟泗，溯源勺波。庶亦獲所憑藉歟！

中華民國十年，歲次辛酉冬月，甘肅督軍銅山陸洪濤序。

序三

肅州，在漢為酒泉。自武帝斥地開境，擊西羌，築令居，遂廓版圖而郡縣之。然，紫塞負險，玉門阻兵，祁連之戍，平川之堡。古所稱為羈縻之州者，大抵重武衛而輕文教，其宦迹之著者，率以邊功顯。若漢段彭翟醢之守酒泉，唐公孫武達之刺肅州，其尤章章也。余考《漢志》，酒泉編戶萬八千，《元史》載千二百戶，乃不逮漢之什一。以戶籍之登耗，考邊陲之沿革，則吏治之闕茸，風俗之告窳，財力物力之凋敝可知矣。歲辛酉，余攝甘肅省長篆，嘗與僚友以勤求治理相勸勉，每嘆天水、隴西漢置列郡，涇原、平涼唐隸諸道。而數千年來，曠土同於甌脫，聲教阻於遐荒，不可無西蜀文翁之化以風動之。而徐君家瑞，適宰高臺，烟幅無華，獨能以經術潤吏治，簿領餘閑，復修輯邑志，以體例相商榷，時余方鞅掌而未遑也。比余解組歸，君亦旋倦游而返。乙丑孟夏，君修志竣，而問序於余。高臺僻在邊徼，文獻罕徵，君之修志，視他邑為尤難，余是以樂而序之。且君挂檄既數年，而惓惓不忘於舊治者如此，如之何而使民之忘之也？庚桑楚居畏疊之山三年，而歲則大穰。君嘗以邊區曉瘠，無川澤之利，山林之饒，乃采木棉之種，遍栽於四境，因勢而利導之，今已蔽芾如甘棠矣。貨殖有傳，食貨有志，其裨益於利用，厚生者甚大，亦紀物產所不可闕也。例得附書。

二等寶光大綬嘉禾章前護甘肅省長陳閻序。

序 四

高臺一邑，北瞰朔漠，南矚祁連，東瞰羌谷，西踞嘉峪。持喉邊陲，綰轂絕徼，蓋所謂防禦之阻道，隴中之隩區者也。若其擷菁金天，攬煦羲馭，田疇肥沃，華實豐懋，渠流衍環，富媪貢秘，猗其盛已。第，地介遐僻，文物晦塞，縣志之修，闕焉弗備。余昔於甲寅，權宰斯邑，更歷三稔。雖於學校之建置，道路之修治，風俗之整飭，粗具規畫。而志乘一端，有志搜輯，卒未遑暇。今歲巡視蘭山，駐轡會垣。適徐君季清新纂志成，問序於余。細繹既竟，竊嘆其致力之勤，用心之苦，而余昔年未逮之志，亦藉以稍慰，不其掛乎！又嘗以為志乘之事，關乎史學。昔章氏實齋斷斷乎二便、三長、八忌、四要，是以操觚之倫，偶或不慎，舉趾即踴。矧夫言志於高臺，艱蹇之況，倍徙他域。何則？向無志書，轉估創造，甄集搜訪，輒挂荆棘，草昧未啟，典籍寥落，童山確壤，無所取材，具斯二艱，才者越趨。今觀茲編，體例精采，考證詳確，洵有美以必臻信，難能而可貴。而黃帝之遺蹟，神禹之住迹愈益。符采炳麟，昭煥燦爛，焜耀來葉，垂視億載，其功尤臣。其志丕燦，遂乃牟莫墮引，傳諸雒誦云爾。

民國十年，巡視蘭山道屬使者，前高臺縣知事宜與徐仁鑒序。

序 五

今之談時務者，動曰文明進化矣。而運會所趨，潮流蕩激，世道駸駸乎日非。救其弊者，是在勵氣節以正人心，維綱常以端風俗。第，不借前車之鑒，為後事之師，仍茫然無所觀感，則修志尚已。夫志者，史也，縣志者，即史家志地理之遺也。吾邑自漢設治以來，始稱樂涖，屬酒泉郡。迄乎前清，沿明高臺所定名高臺，屬肅州直隸州。其間滄桑屢經，邊徼鄙遠。雖畸材魁碩之代興，無裨官野乘之可考，文獻不足，良用慨然。清光緒中，邑令陳公，抱積學，負時望，念軼行之無征，將從事於搜輯。以募資遭謗，橫生阻撓，遂寢其議。民國肇造，夏歷庚申之歲，嘉定徐公季清，由金塔令移治於此。甫下車，延耆舊，廣諮博詢，征求故實，毅然以修志為己任。而興禮立樂，首重祀事，捐俸建名宦、鄉賢、忠義、節孝四祠，俾崇風教。他如振興學校，傳習工藝，勸種棉以厚民生，掩枯骸以弭疹癘，百廢俱舉，政令一新，高民歌《來暮》焉。須敬適里居，慘權政，朝夕奉徐公教言，乃召士紳農商於縣庭，徐公創議設志局，從事纂輯，不避艱辛。屬須敬分任其勞，須敬甄錄之暇。見夫徐公任事之毅，披輯之勤，考證之博，私相欽嘆。稿既脫，徐公更付聚珍版，以期流傳，毋使遺失。是即，徐公之所以正人心，端風俗者，胥於斯志見之已。而翊贊之勤，則錢君續夫為力多也。後之人流覽篇章，景行賢哲，其亦奉為圭臬而矜式之，以永永於無窮乎！

中華民國十年十月，邑人間須敬 謹識。

序 六

高臺居南北兩山之間，控扼番蒙，為出塞冲途。自前清雍正間併所升縣，歷春秋二百有餘紀，而志乘闕如，誠憾事也！夫吾邑文獻，雖鮮可徵，而父

老流傳，詎無可采？矧咸同以來，滄桑變易，兵燹摧殘。其間貞魂毅魄，俠氣英風，足令人俯仰感慨、可歌可泣者，指不勝屈。假令烟銷塵滅，與草木同腐，致使上下數百年軼事，幽光莫由闡發，後起者茫乎莫據。雖欲傳無可傳焉，不尤為憾事耶？邑侯徐公，鳴琴吾邑，政績爛然，專精揆思，勒為一志。舉吾邑人之有志未逮者，而毅然為之，舉吾邑人之分任不遑者，而獨力任之。自今伊始，舉吾邑山川、城郭、人文、風俗，以及文物、制度、忠孝、節義，莫不因鴻藻潤色而顯於當時，傳於後世。於斯吹賢邑侯之卓識偉度，為不可及也已。

邑人薛樹勛 謹序。

《新纂高臺縣志》自序

縣之有志，猶家之有譜，國之有史也。志也者，所以紀一縣之山川、經界、人文、物產、政教、風俗也，其所關豈淺鮮也哉！羅庚申夏，瑞奉檄領高篆。視事後，清理卷牘，飭吏檢志書，則以無纂本對，心竊異之。夫高臺為古樂涓地，設治既久，何至上下一千載，竟無一人焉為之編輯而成書耶？顧言之易，而行之維艱。良以地處邊陲，化同草昧，既無書籍，又乏通材，此而欲征文考獻，洵憂憂乎其難之。雖然，旌善闡幽，有司之責，一歌一謠，軒車采焉。乃自漢唐以來，海田屢變，保無有忠臣、孝子、義士、畸人、節婦、烈女之湮沒其間而弗彰者乎？矧國體新更，今昔異形，若不於此時而纂述之，恐遲之數百年後，將更有「不知魏晉」之嘆矣。端於是不揣固陋，毅然而為之。重采訪以求核實，仿體例以期合格，詳考證以免附會。區區之私，無非欲以紀一縣之山川、經界、人文、物產、政教、風俗已耳。或者曰：志者，史也，無史之才學識，不足以言志。瑞才同襍錢，愧無學識，且綜兵、刑、錢、穀之繁於一身，倉猝無暇細究，明知掛漏錯誤之譏在所不免，不過留此稿本作為辭命之草創。若夫修飾而潤色之，則有待於後之君子也，遑云才學識乎哉！志既成，姑弁數言，以為都人士告。

中華民國十年十月，江蘇嘉定徐家瑞叙於高臺縣署虛鑒堂。

高臺縣修志銜名

總審定 國務院存記簡任職甘肅省長兼督軍署秘書長，清舉人，二次保送經濟特科選用郎中程先甲

總纂 簡任職陞用原任團原縣知事，調署高臺縣知事，前清舉人，內閣中書，日本東京高等工業學校畢業 徐家瑞

幫總纂 一等金色章 前清山西候補府經歷，附貢生，現充高臺縣公署科員 錢昌緒

分纂 一等金色章前清分省補用府經歷，歲貢生，現充高臺徵收局局長 閻須敬

高臺縣視學 前清廩生，甘肅省立師範學堂畢業 王擢儒
校對 清分省直隸州判恩貢生，現充江蘇賑務處委員 吳前楨
經理 二等銀色章 現充高臺縣行政公署科員，清附生 馬得山

新纂高臺縣志凡例

一、高臺縣志，向無纂本，殊失據依。雖《甘肅通志》載有事迹，簡略殊甚。《肅州志》附記高臺兩卷，篇幅未及盈百。其間山川、道里之數目相差，水渠、屯田之畝分互異，種種舛錯，不一而足。今詳為甄采，是者從之，非者正之，悉別為纂輯，俾免紛歧。

一、此次新纂縣志，參仿各志體例，厘定總綱十三：曰輿地，曰建置，曰田賦，曰祀事，曰兵防，曰學務，曰實業，曰官制，曰選舉，曰人物，曰烈女，曰藝文，曰雜錄，各係以子目。現值政體改革，如防營變而為警察，科舉變而為學校，均援古來今，兩不偏廢，以期徵信。

一、各志每於題首冠以駢語，崇尚詞華。茲以志者記也，略之以省繁文。即間有要旨未明，或加按語，或列小引，藉以發揮意見，非聘枝辭。

一、各志俱列金石、釋道、流寓諸類，高臺僻居邊徼，既無鐘鼎古器，亦鮮名人方士僑居，故俱從闕。

一、設險守國，最重土地，故輿地冠諸綱之首。輿地非圖不明，故首列縣境全圖。分野上應天象，雖言天而實主地，故列輿圖之次。沿革為設治源流，系統地理，故又次之。而疆域、形勝、山川、水利附焉，關隘、橋梁、古迹、戶口、風俗、氣候、物產，居附屬於地，以次相從，俾歸一貫。

一、國之大事，在祀與戎，故祀事後即列兵防，而文事與武備俱重。農、工。商賈尤與國計民生有關，故學務、實業，均按現制，詳細搜錄，俾知新政之要。

一、設官分治，所以重職守也；鄉舉里選，所以取人才也。其或歷朝文武之效命疆場。造福地方者，則按年代先後，叙其事實，特列宦迹以別之。至科舉，列至五貢止，而廩、增、附不與，以示限制。

一、人物一門，自以忠義、孝行為重，但彈丸之區，難求宦達。故首列仕進，而忠義、孝行次之，善行、績學、方術又次之，所以廣表揚、該衆長也。惟仕進所列，文以典史為限，武以千把為限，生存者不錄，亦取蓋棺論定之義。


一、婦女，首重名節，無論已旌未旌，以及其人尚在，但守節已逾三十年者，均一律采登。庶以闡茲幽光，端厥風化。

一、藝文，自蜀志兼采詩文，古人早有譏之者。但縣境文明初啟，未便執此以繩，且都人著作，本屬寥寥。如必采經、史、子、集而始列，或仿吳志，雙行附注，則簡而又簡，更覺暗然無文矣。《風詩》三百，歌謠併采，今師其意。凡斷簡殘篇，一吟一咏，苟於本縣有關，皆廣為搜羅，不必其人之果屬高臺也。間有文不雅馴者，略予增刪，俾免詰屈。


一、各志卷末，皆列志余，以錄叢殘。茲亦為雜錄一門，首列地震、災變，示修省也。兼叙怪誕、神幻，志變異也。禎祥可廣軼聞、資譚助，故附列焉。

一、斯志大輅椎輪，創制伊始，采訪一切，不無疏忽，難免遺漏。秉筆者據事直書，如實無可考，仍從古史闕文之例，未敢臆造。

高臺縣與地全圖



高臺縣城平面圖



卷一

輿地·上

分野

附經緯度 晷度

《禹貢》云：「黑水、西河惟雍州。本秦地，為古雍州域。」《史記·天官書》：「東井、輿鬼，雍州之分。」《漢書·地理志》云：「秦地於天官、東井、輿鬼之分野。」晉《天文志》云：「營室東壁，則敦煌、武威諸域應焉。」言酒泉人營室十一度，張掖人營室十二度，高臺當在營室十一度四十分之間。

按：分野之說，肇自《周禮·保章氏》。顧兩漢以來，言天文者，半出附會，識者議之。周天二十八宿，羅列四旋，而星文專主中國，不涉海外。按諸覆載，無私之義，已覺難解。矧十二州古分為國，後改為郡縣。其間增裁割合，歷代變更，豈能一一以度數畫之耶？第，各志具載，因采舊說列之，以備後人參考。

經緯度

經綫在北京偏西十六度四十八分，皋蘭縣偏西四度二十二分。

緯綫為北緯三十九度二十四分，居溫帶十五度十分。

晷度

春分日出，六時二十分。日沒，六時二十九分。晝長十二時九分，夜長十一時五十一分。

秋分日出，六時五分。日沒，六時十四分。晝長十時二十九分，夜長十一時五十一分。

夏至日出，五時。日沒，七時三十七分。晝長十四時三十七分，夜長九時二十三分。

冬至日出，七時二十五分，日沒，五時六分。晝長九時四十一分，夜長十四時十九分。

按：每日出沒，較皋蘭縣地方遲十七分而強，較酒泉縣地方早四分而弱。

沿革

附表

漢樂涇縣地，屬酒泉郡，晉因之。東晉以後，前涼張氏置建康郡，故城在今縣城西南四十里，俗名駱駝城，即漢樂涇縣舊址。北涼段業建都於此，尋

為元魏所有。後周復置樂涇縣，尋省入福祿縣。唐初，於樂涇地置福祿縣，屬肅州。嗣聖初，置建康軍，屬張掖郡。後陷土蕃。宋為西夏所據。元屬甘州路總管府。明洪武五年，宋國公馮勝平定河西，改為高臺站，因有臺子寺故名，隸甘州中衛。景泰七年，始設守御千戶所，轄十百戶所，隸陝西行都司。其鎮夷所，於洪武二十九年，都指揮馬溥始於黑河之北築哨馬營。三十年，就哨馬營展築建設鎮夷守御千戶所，三十三年裁革。永樂改元，總兵宋晟奏，復置本所守御，統十百戶所。後為黑河冲決，故址猶存，俗呼舊城。天順八年，鎮守太監蒙泰議建新城，即今之鎮夷堡。自明迄清，順治、康熙間，俱仍其舊，二所併建。雍正三年，改設河西州郡，以高臺所為縣，而以鎮夷所并入高臺，仍屬甘州府。雍正七年，改屬直隸肅州。民國因之。三年，裁肅州，以高臺縣直隸安肅道。

沿革表

漢	乐涇县属酒泉郡	会水县属酒泉郡	表是县属酒泉郡後漢曰表氏	天依县属酒泉郡後漢廢
三国	乐涇县	会水县	表氏县	
晋	乐涇县	会水县	表氏县	建康郡前凉分置
南北朝	後周省入福祿	廢	廢	建康郡，後周廢，入張掖
隋				
唐	福祿县武德二年复置	改名，属肅州天宝後乱	廢	建康軍，嗣聖初置，属張掖郡
五代				
宋				
元				
明	高台所，初属甘州卫。景泰七年分置，属陝西行都司。鎮夷所，天順八年移置。			
清	高台县，裁高台、鎮夷二所，属甘州府，旋改属直隸肅州。			

属甘州路

按：古無高臺之名。鴻濛初辟，史無紀載。議者謂：「龍荒沙漠之區，莫可究詰焉。然，溯成紀首出羲皇文化，近被空同隱居，老子聖迹常留。豈真立步置畝之無其地，茹毛飲血之無其人歟？《顯項·高陽氏紀》云：「西至於流沙。《免舞紀》云：「西至析支、渠搜、氐、羌。《禹貢》云：「導弱水至於合黎。《商頌》云：「自彼氐、羌莫敢不來王。」周為犬戎，秦為月支。當時地處邊荒，未入中原版籍，故史載闕如。迨漢武帝開疆，創設樂涇縣，嗣後歷朝廢置變遷，名稱不一。至明代，始有高臺站、高臺所之名。凡此，皆縣治之源流，沿革之大略，餘詳前表，不贅。

疆域

縣治，在甘肅省皋蘭縣西北一千一百二十里，安肅道酒泉縣東南二百七十里。距北京五千一百二十四里。東西長一百八十五里，南北寬三百二十六里。

東至渠口堡一十五里，與撫彝縣接界。由渠口堡東行，經雙泉堡二十五里，至抗彝縣城。

西至雙井驛一百七十里，與酒泉縣接界。由雙井驛西行，經黃泥堡，逾臨水河，至酒泉縣城一百里。又自雙井北行，經天泉寺，過夾山，至金塔縣城七十里。

南至紅崖堡一百二十里，再南二十里至水關口，隔祁連山與青海接界。由水關口東南經虎狼戈番族，過野牛溝河，至西寧大通縣五百餘里。又出水關口西北行，經討來川，至敦煌縣屬昌馬爾七百餘里。又循討來川北行，至酒泉縣三百餘里。

北至六壩邊牆六里。再出邊牆北行一百八十里，至架梁口墩，與額濟納蒙古接界。

東南至新墩子、威虎墩四十五里，與撫彝縣屬威狄堡、梨園口接界。

東北至四壩進外道德號屯田二十里，與撫彝縣屬平川、板橋等堡接界。

西南至河清營一百八十里，與酒泉縣屬紅水壩接界。

西北至鎮夷堡一百一十里，再出口二十里至井子夾截沙，與毛目縣接界。由井子夾截沙北行七十里至雙樹墩，再北行七十里至毛目縣城。

形勝

附十景 鎮夷八景

祁連遠拱，合黎近峙，白城山顧於前，黑河水繞於後，可謂屯田用武，控扼戎番之要地。

黑山峙於東北，弱水經於西南，山嶺崔巍，石峽險隘，實屯守要地。

泉水環繞，河山襟帶，為甘肅通驛要路，三秦鎖鑰，五郡咽喉。均采《肅州志》

十景

北京故址 距城西南四十里，俗名駱駝城。即北京段業建都處。頽城荒剝，遺迹猶存。四望沙灘一片，風物全非，吊古者不勝海田之感。

西寺崇臺 距城西二十里，舊名臺子寺，相傳酒泉公李嵩所築。寺為後人修建，層樓挺聳，傍臨驛路，縣城以此得名。村外綠野青苗，掩映山川，易

動吟興。

梧桐仙景 在城南四十里，地名梧桐泉，又號滴滴泉。其源自下而上，梵宇琳宮，星羅棋布。扼勝居中為真武宮，平天仙姑廟擅叢剝泉石之勝。山

崇嶺峻，綠樹蔭濃，春柳秋梧，烟雨無邊，登高瞻仰，令人有世外丹邱之想。

榆木晴嵐 即榆木山，在城南四十里。峭壁崔巍，綿亘六七十里，為一縣藩籬。內產煤，礦佳者有金星，曰「金花煤」，烟火萬家，藉以取給。風日清

和時，踞巔游覽，萬壑千岩，嵐翠蒼蒼，爽氣挹人，洵巨觀也。

稻香綠野 郭外西郊，平疇萬頃，悉種粳稻。清肅州道沈公青崖過高臺，留詩有「一派平湖水稻香」之句，即指此也。春夏之交，碧毯錢頭，秧針掩映，頗有佳致。

屏畫黎山 距城北六里，即合黎山，不甚高。由東關上帝廟後樓憑眺，矯若游龍，平鋪雁齒，燦列錦屏，為縣治天然關隘。自城東北轉折而西，蜿蜒數十里，接鎮夷、崆峒山界，迤北與蒙古接壤。

河環玉帶 距城北一里餘，即黑河。自張掖與弱水會合，西行入境，為高臺水利之最大者，盤旋西郭外，潏洄若帶，亦勝景也。

湖映月牙 出西關外二里許，有月牙湖，地當孔道，邑人於正中填土為路。兩面湖岸壁合，屈曲環繞，形類新月，湖光清澈蟾輝，故名。暮春，池塘草碧，菱花奩青，衆鳥浮翔，游魚潛泳，大有南方景象。

建康文塔 縣城南有文林塔，高八九丈，勢若筆立。

太上靈岩 縣西鎮夷堡城北石峽，山頂有巨石一方，儼似人形，俗呼為「老君岩」。旭照斜陽，嵐光發越，望之須眉如生，頗為神異。

鎮夷八景

有明翰林岳正詩，附後《藝文志》

黑河古渡 在城東南。

紫塞平沙 因黎山色紫，山下有流沙，故云。

蘇臺雲杳 蘇武牧羊臺，在鎮番界。

趙墓烟冥 距城北百餘里，漢將趙通戰歿匈奴，墓在毛目界。

石峽晚翠 即石峽山。

紅崖早霞 即紅崖山。

東山峭壁 即空同山。

西嶺生鹽 即鹽池堡。

山川

祁連山 在縣南一百二十里，即中昆侖支脈也。昆侖山起自帕米爾東境之蔥嶺，沿西藏、新疆東行人內地，分西、中、東三部。由後藏、新疆經青海、前藏間者，曰西昆侖；橫貫青海全部，為長江、黃河所自出者，曰中昆侖；東昆侖，即《括地志》所載之北條、南條、中條山脈也。由中昆侖分支，東北蜿蜒於敦煌、酒泉、張掖南部者，隨地易名，曰祁連山，曰南山，曰大荒山，實一山也。《漢書·西域傳》：祁連即天山，以匈奴呼天為祁連得名。其山有二：一曰南祁連，名雪山，亦曰南山，在今甘、涼、酒泉之南，西連阿爾金山以及蔥嶺，即《史記·大宛傳》：張騫自大夏還，併南山，欲從羌中歸者是也。一曰北祁連，即今之新疆天山，由哈密而東，環繞於甘涼之北，若合黎等山皆是。而杜佑《通典》則謂祁連山自張掖以西，至於庭州，皆南北周遍，不必強分為

二。然就《瀛寰全志》所載，參以實地考驗，則祁連山實即中昆侖支脈，自酒泉以至武威，與北部之合黎山一脈相延，隨地分合，其新疆之天山，自是另一山脈，似不應強為牽合。此山峰巒峻極，最高處約達二萬尺，四時積雪盈巔，如銀堆玉砌，望之皎然。盛夏冰消，水灌黑河，利溥張、撫、高、毛等縣。山多野獸，草木繁茂，獵牧皆宜。礦產五金俱備，煤礦尤富。

合黎山 俗名北山，在縣北六里。《禹貢》「導弱水至於合黎」，即此山也。《西陲今略》：「合黎山起於山丹，至鎮夷石峽口，延長三百餘里。」今按此山實起於酒泉縣西南。西行經嘉峪關，轉北至金塔縣，折而東行，越鎮夷石峽，蜿蜒於張掖、山丹、鎮番北部，約長八百餘里，是亦祁連支脈也。童山濯濯，無林木，土石赤黑相間，形如敗灰，傳聞或係太古時之火山熄滅者。產金、銀、煤質絕佳。昔人謂其產茶，不確。

崆峒山 清《一統志》：「崆峒山有四，一在高臺縣西北」《元和志》：「鎮夷城東一十五里有崆峒山，為黃帝問道處」。今佚名。以山向道里征之，即《省志》所謂「黑山」也，與合黎山相接，邑人因其土石多黑，故名。按：《林屋秘本》「五方有五大空同。南在章、貢二水合流之南，北在涇河、百泉之北，中在汝河、大澤間；西抵昆侖、黑水；東在盤燕、白檀之界。初，黃帝訪廣成於北空同（距平涼四十里），不遇，乃西行經雪山、甘泉，直至西空同（注：在肅州福祿縣），登山見合黎、弱水。」據此，則西空同近是，實則崆峒者，空空同同也。其數五，明指金、木、水、火、土，蓋道家之寓言耳。

西峽山 在縣西北一百一十里，鎮夷城北一十里，接於合黎山，黑河經此流入毛目。兩岸石山壁立若門，山巔有老君石像，蓋俗稱也。峽內有斧鑿痕，相傳為神禹所開，山上建禹廟，邑人祭饗不替。

西紅山 在縣西南一百里。南接祁連，北盡馬營，約長四十餘里。藥材頗多，山南有泉，牧人常飲畜於此。

大花山 距縣西北一百四十里，在石峽山之北。群峰羅列，銀礦甚富，相傳明時山西人亢姓嘗采銀於此，遺迹猶存。今久無開采者。

榆木山 在縣南四十里，上產榆樹，故名。東起梨園，西盡暖泉，延長百餘里。與撫彝縣威虎墩分界。

白城山 在縣西南八十里。石磴曲折，有林泉之勝。

鵝頭山 在縣西鎮夷城西北五十里，以形似名。當北虜出入要道。

紅崖山 在鎮夷城西一十五里。其色赤，形如屏障。

黑河 距縣北二百步，即《禹貢》之弱水，《漢書》之羌谷水也。其源有二，一曰山丹河，源出山丹縣南之峽口營，西北行挾猩猩堡、碗窰溝等水至張掖河合，水色黑黯，人即以黑河名之；一曰張掖河，源在張掖縣西南之八寶山，出鶯落峽東北流里城西龍王廟，再北行過烏江堡，會山丹河水，始奔注洪流，向稱黑河。西北經撫彝縣，入高臺縣境，再西北至鎮夷，出石峽口合來酒泉縣之白河，循毛目縣城，北流入蒙古額濟納旗，而注於居延海。此水自張掖以至毛目，延長三百餘里，兩岸開渠數千頃，數邑人民咸利賴之。

擺浪河 源出縣南祁連山。北流經鎮夷、暖泉、順德諸堡，至苦水口與水關河合流，北行經定寧、永豐等堡之西，又名羊達子河，注入黑河。

水關河 源出祁連山。自水關口出山，北流經紅崖、從仁二堡而南，向東北行，注入擺浪河。

石灰關河 源出祁連山之石灰關口，亦名西河。遵紅崖堡西，東北流入水關河。

岸門河 即紅沙河。亦自祁連山出，北流過紅沙堡，入沙磧中。

南泉 由縣城東南角流入城內，北入馬軍渠。

呼蠶水 自肅州西，東北流入鎮夷，與張掖河合。《漢志》：「福祿縣呼蠶水，東北至會水，入羌谷。」今稱討來河。

五壩湖在縣東一十二里。
 黑泉站家湖 在縣東四十里。
 大蘆灣湖在縣東北二十里。
 鴛鴦湖 在縣西一十里。
 七壩湖 在縣西二十里。
 月牙湖 在縣西北二里許。
 高臺站家湖 在縣西北五里。
 水磨湖 在縣西北一十里。
 海底湖 在縣西北一十里。
 葦場湖 在縣西北一十五里。
 狼窩湖 在縣西北二十里。
 李家湖 在縣西北二十里。
 夜不收湖 在縣西北百餘里，鎮夷東北五十里，臨胭脂堡。止夜不收牧馬，取草。
 官軍湖 在縣西北一百一十三里，鎮夷東南三里。
 局匠湖 在縣西北一百二十里，鎮夷東南一十里。先年止局匠牧馬割草，今軍民通牧焉。
 大湖 在縣西北一百二十里。居民牧畜。
 兀魯乃湖 鎮夷北五百里。係沙漠，蒙古住牧之地，為行軍路綫。
 白鹽池 在縣西北一百三十里，產白鹽。

水利 附渠名 各渠里畝

縣境田多平原。黑河自縣東二十里入境，自東至西，貫注全縣，至鎮夷，大折而北出合黎山，入蒙古界。在縣境約長三百餘里。南北兩岸開渠二十六道，灌田不知若干頃。高臺水利之最大者，全資黑河。其次則有祁連山下之擺浪河、水關河、石灰關河，或開渠四五道、一二道不等，只能供南山五堡之灌溉。又，縣城東南角有泉一處，名曰南泉，引入城壕流貫，自西而北引入馬軍渠，灌溉農田，此又水利之極細者。今闔縣稱三十六渠，而以各渠內支分之各小渠核計，共有渠五十二，較《肅州志》相去懸殊。茲將大河分注之各渠名稱，逐條列明，並詳列各渠里畝，以清眉目。

渠名

黑河 經撫彝流入縣境，引水灌田之渠曰：豐稔渠、站家渠、三清渠、柔遠渠（此四渠渠口皆在撫彝境內，歷年發生交涉甚多），曰納凌渠，曰定寧渠，曰新開渠，曰城北渠，曰樂善渠，曰永豐渠，曰黑站家渠，曰鎮江渠，曰臨河渠，曰河西渠，曰常豐渠（並上共十五渠，俱在黑河南岸），曰六、七、八、